

այլազգիք կողոպտելով դամենայն ինչս մեր մինչ
յետին թշուառութիւն հասուցին, որ խղճուկ ժո-
ղովուրդք Հայոց այժմոյս հազիւ լցուցանեն քաղ-
ցըս յորովայնի իւրեանց և քողաւորեն մերկս
անձանց և այլն, այլ առ այդպէս խորհողաց ա-
սեմ, որ այդ բան և այդ կացութիւն միայն է
պատճառ շտապի ելանելոյ առ 'ի գործ և հնա-
րելոյ ճար թշուառութեանց, զի դամենայն զոր
ինչ դարման 'ի դեղատուէ հարկաւոր է ընդու-
նիլ տկարաց, պարտ է մեզ ստանալ առաջ քան
զմեռանիլ, քան զի յետ մահուան մերոյ ոչինչ
դարման ոչ Օգնել կարէ տկարութեան մերոյ, 'ի
այդ պատճառէ ոչ է արժան յասպաղել ժամանակ
մինչ կամք կենդանի: Ես ոչ ուրանամ թշուա-
ռութիւնն ազգին իմոյ, զի այսօր եղկելի է յոյժ,
այլ գոհանամ 'ի Տեառնէ, զի դեռ ևս ոչ այն քան
թշուառ իբր հոգեվարք կամ մերձ 'ի մահ, դեռ
ևս ունիմք յոյս առողջանալոյ և ստանալոյ կեանս
երջանիկս, թէպէտ տեսանեմք մեք ազտն տկա-
րութեան ազգին մերոյ զի մահեցուցիչ է, այլ
ոչ պակասագոյն գտաւ պնդութիւն տարերաց
յազգին Հայոց՝ այսինքն յոյս և հաւատ հաստա-
տուն կալով մնաց ձիք ժամանակ տկարացեալ և
այժմոյս, որ ծանեաք մեք դեղ բժշկութեան ազ-
տին մերոյ, հարկաւոր է զի շտապի արբցուք
բաժակ բժշկութեան և ընդունեսցուք ձէթն բա-
լասանի 'ի վերայ վիրաց մերոց, զի փարատես-